

Ginandomigoo



(Ozhaawashkosin Ozaawi-zhooniyaa Asiniikewinan)

Ozhaawashkosin Ozaawi-zhooniyaa Asiniikewinan onandomaawaa awiya ji-biizhaanid wii-wiindamaagewaad aaniin ezhichigemagak iwe Haadanwaak Izhichigewin, gaa-wii-ozhitoowaad gaa-zheyaak ozaaw-izhooniyaa asiniikewin. Iwe Haadanwaak Ozaawi-zhooniyaa Gaa-ayaad imaa 275 diba'akaan giiwednong waabanong inake Animikii-wiikwedong, Ontario. Jiigiya'ii imaa Jenatan Oodena ayaamagan gaye iwe Ozhaawashkosin. Gii-moona'igaadeban imaa 1930-1970 gii-izhisegiban.

Ozhaawashkosin Ozaawi-zhooniyaa Asiniikewinan o-gii-ozhibii'aanaawaa aaniin ge-inishkaagemagakiban imaa akiing (EIS/EA) giishpin ozhichigaadeg iwe asiniikewin imaa February 1, 2016, ji-aginjigaadeg ji-dazhinjigaadeg dash. Ni-wii-megwaashkawaanaanig gaa-daawaad jigiya'ii imaa gaye gaa-zhooniyaakewaad imaa oodenaang besho ji-dazhindamaang aaniin noongom ezhiseg iwe Izhichigewin apane gaa-ishkwaa-ozhibii'igaadeg iwe EIS/EA gaye ji-wiindamaageyaang wegonen niinawind gaa-noondamaang. Da-gaagiigido awiya, gaye bizaanigo da-baabiindewag awenenag waa-bi-bi-zindamowaad, gaye da-waabanda'iwem mazina'iganan. Da-ayaawan gaye gaa-baakwaa'ishii'igaadegin mazina'iganan gaye gaa-baakwaa'ishii-mowaad imaa ji-nakwetamowaad gagwedwewinan.

Ge-ikidong imaa okobiwinang nin-ga-agindaamin apii wii-giizhibii'amaang iwe EIS/EA wiindamaage-mazina'igan.

Wii-gagwedwed awiya gemaa wii-ikidod gegoo iwe Haadanwaak Izhichigewin, omaa izhi-giigidog:

Gaa-ganoonaad Dazhiikewining Awiya (Community Relations), 404 Main St. Suite D, Geraldton, ON POT IMO gemaa izhigiigidon 807-854-1886 gemaa daataanginigen cr@ggmines.com

Daga biizhaan omaa gaa-baakisingin waakaa'iganan:

Niizhogiizhigak November 22, 2016

7:00 onaagoshig biinish 9:00. 7:30 da-gaagiigido awiya.

Royal Canadian Legion

(Br. 133)

520 rue Main Street, Geraldton, ON

Aabitawisek November 23, 2016

1:00 ishkwaa-naawakweg biinish 3:00. 1:30 da-gaagiigido awiya.

Longlac Sportsplex

(ishpimisag gaa-izhi-maawaji'iding)

200 Picnic Point Miikana, Longlac, ON

Niiwigiizhigak November 24, 2016

7:00 onaagoshig biinish 9:00. 7:30 da-gaagiigido awiya

Airlane Hotel - Madrid Room

698 Arthur Street W. Thunder Bay, ON

Izhichigewin gi-daa-waabandaan omaa:

<http://www.greenstonegoldmines.com/documents>

Maawadoonigaadewan inendamowinan ji-wiiji'igod awe GGM aaniish amii ezhibii'igaadeg imaa Gaa-inishkaakemagak Inaakonigewin. Gakina gaa-maawadoonigaadeg daabishkoo wiinzowinan, gaa-izhidaang, giigidowin agindaasonan, gaye eyaayeg - da-maawadoonigaade, da-ganawenjigaade, da-wiindamaage dash awe Ogimaa gaa-naagajitood Aki gaye gaa-ani-aanjiseg gaa-izhiwebag, aaniish naa ji-gaadoosigwaa gegoo. Maawadoonigaade iwe wiindamaagewin aaniish inaakonigaade imaa EAA gaye ganawenjigaade gakina awiya ji-gikendang imaa gaa-ozhibii'igaadeg s. 37 Gakina awiya ji-gikendang gegoo gaye ji-ganawenjigaadeg awiya ji-gikendanzig Inaakonigewin. Iwe gaa-miigiweyin wiindamaagewin gakina awiya o-da-waabandaan giishpin eta ikidoyin awiya ji-waabandanzig. Giiyaabi wii-gikendaman, ganoosh Ogimaa gaa-naagajitood Aki gaye gaa-ani-aanjiseg gaa-izhiwebag, gaa-anokaadang iwe wiindamaagewin omaa ayaa 416-327-1434.